

日17

2009

102



拜經樓藏書題跋記卷二

史記

海昌吳壽暘虞臣纂



史記索隱帝紀十二年表十書八世家三十列傳七十每篇首題第幾不稱卷俱小名在上大名在下每葉二十八行行二十五字蒙古中統二年刊 錢辛

楣宮詹養新錄云予所見史記宋槧本吳門顧抱冲所藏澄江耿秉刊於廣德郡齋者紙墨最精善此淳熙辛丑官本也黃蕘圃所藏三山蔡夢弼刊本亦在

刊在公之石本以作刻

宋之季此三本皆有索隱而無正義明嘉靖四年蒲田柯維熊校本金臺汪諒刻始合索隱正義為一書前有費懋中序稱陝西翻宋本無正義江西白鹿本有正義是柯本出于白鹿本矣同時震澤王氏亦有翻宋本大約與柯本不異史記索隱正義皆各自為書不與本書比附宋南渡後始有合索隱於史記者朔自蜀本繼有桐川三山兩本皆在淳熙以前其時正義猶單行也白鹿本未審刻于何年以意揆之必在淳

熙以後蓋以索隱為主而正義輔之凡正義之文與索隱同者悉從刪汰自是正義無單行本而守節之元文不可攷矣又日記鈔云海甯吳槎客以元中統二年刻史記索隱本見示首有校理董浦序云平陽道僉幕段君子成募工刊行者也黃蕘圃有南宋蔡夢弼本亦與中統本同有集解索隱而無正義又記蕘圃主事所藏史記南宋大字板不全本云相如乃與馳歸成都家居徒四壁立今本無成都二字子虛賦赤玉玫瑰注郭璞曰赤玉赤瑾也今本注無赤玉二字此本馳歸成都與大字板

版 版

版

同賦注無赤玉二字按始皇本紀金人十二重各千石柯板取正義不刻索隱北監及馮本此段注在置廷宮中下 先君子記云元中統刻史記索隱有中統二年校理董浦序按元世祖中統二年為宋理宗景定二年辛酉然則此書雖署元號年其實宋刻也汲古閣專刻史記索隱世稱善本餘刻皆芟節不全此本校毛刻注尤備卷首有史類正史史記三朱印蓋山陰祁氏淡生堂藏書

前漢書

固

漢欣

振

漢震

宋本前漢書列傳十四卷每葉十六行行十六字首行大名在下小名在上次行題漢護軍班願撰三行署唐正議大夫行秘書少監瑯琊縣開國子顏師古集注並與監本不同詳 先君子跋語中卷末書右將監本杭本越本及三劉宋祁諸本參校其有異同並附于古注之下後記正文注文字數筆畫工整紙墨古雅洵宋刻之最佳者 仁和朱朗齋明經跋云余館武林汪氏者垂三十年汪氏有震綺堂為藏書之所與同郡諸藏書家若小山堂趙氏飛鴻堂汪氏

首

張一字多一利字

版

知不足齋鮑氏瓶花齋吳氏壽松堂孫氏欣託山房  
汪氏皆相往來彼此互易借鈔借校因得見宋槧元  
鈔不下數百十種然其中關係經史之大者無多惟  
欣託山房有魏鶴山儀禮要義一部爲經學失傳之  
本壽松堂有溫公通鑑一部較外間明刻本多增所  
未備洵有補於史學今儀禮要義已爲吳興嚴氏所  
得僅錄副本藏家而通鑑一本屢屬孫氏刊板流傳  
以卷帙繁富窘于資力而止僅以卷一序刻刻入抱  
經堂盧氏羣書拾補中甚矣古書留遺大爲考據家

注

裨益而傳播之不易若此此本前漢書祇十四卷中  
尙有關翻然開卷標題卽與今本迥異况其中字句  
之不同與註釋之詳畧乎兔牀吳氏以重價購得乾  
隆癸丑新正二十一日余停舟造訪獲觀于拜經樓  
下流連竟日不忍釋手因勸兔牀翻刻以惠後學並  
以余生平所見者覩縷書之以志予幸 吳縣黃蕘  
圃主事跋海甯吳槎客先生藏書甚富考核尤精每  
過吾郡必承枉訪并出一二古書相質然槎舟匆匆  
未及暢談余亦不獲舉所藏以邀鑒賞也頃同陳仲

魚過訪茶話片時歷歷述古書源流俾得聞所未聞  
實爲忻幸其行囊攜得漢書殘宋本數冊字大悅目  
在宋槧中信爲佳刻余所藏景祐本外卻無別本可  
對惟范史亦有此十六行十六字本與此本當是同  
出一時卷第下撰書注書亦分兩行蓋款式同也其  
中字句之不同與註釋之詳畧余固未及取景祐本  
相勘而紙墨精好有過之無不及矣且余所深服乎  
槎客者如此種殘編斷簡幾何不爲敝屣之棄而裝  
潢什襲值視爲千金之比可謂愛書如性命又得同

志之人勸其翻雕以惠後學始幸天壤之大不乏好  
古之士特恐卷帙繁富窘于資力盡與孫氏等耳槎  
客當亦以余言爲然 東里盧抱經學士跋汲古所  
梓漢書當是據北宋本此疑是南宋本誤字亦少汪  
文盛本殆亦從此本出今世所通行者顏注尙有脫  
落何論蕭該子京三劉而此獨全可寶也然余則謂  
設使當世有重雕者其款式自當依此其文字有斷  
然知其誤者不必因有宋人校語而反改不誤者以  
使之誤在擇而取之可也如是將使後人寶我朝

沒分

先子兩字疑是  
先君子之誤

之本轉勝於寶宋本多多矣余老矣槎客疆力有餘  
當亟圖之余亦當蠹沒少佐其成焉

吳越春秋

右漢魏叢書中吳越春秋六卷先子從元刻補鈔目  
錄十卷并徐天祐序及天祐補注九條後有大德十  
年校刊姓氏題後云吳越春秋十卷本元徐天祐音  
注刻漢魏叢書者削去天祐之名又併其卷為六盡  
失本來面目明人刻書往往如此可歎也茲從元刻  
吳越春秋補鈔序目附訂於前而大德年中校刊諸

人姓名官闕亦附錄于後庶使觀者知舊本之可貴  
云乾隆丙午夏吳某記

戰國策

右三十卷鮑彪注元吳師道本刻於至正十五年每  
葉二十行行二十一字即吳門黃氏新刻刻川姚氏  
高注本所稱至正乙巳吳氏本者是也首列劉序乃  
自孔子曰以上誤冠鮑彪序四百餘字於前而鮑序  
故興亡亦有補於世句及作序年月誤綴於劉序後  
姚氏本不誤卷二秦假道於周以代韓下別為一章

伐

後伐錄ノ

宋本卷二  
姚氏本卷二

姚氏本合前爲一餘並詳堯圃先生札記中

資治通鑑

明陳氏刻本朱墨黃三色評點最爲精密 先君子  
題卷首云資治通鑑爲慈谿裘庶常閱本庶常名璉  
康熙乙未進士除翰林院庶吉士深于史學評點通  
鑑凡五次

通鑑紀事本末

宋袁樞通鑑紀事本末四十二卷每葉二十二行行  
十九字前有淳熙元年楊萬里寶祐五年趙與簋元

璉 端慧太子之沛  
是否致缺未詳

謂 漢與

東版 下同

延祐六年陳良弼三序趙序嚴陵舊本字小且訛乃  
易爲大書精加讐校以私錢重刊之云云陳序與節  
齋患嚴陵本字小且訛於是精加讐校易爲大字刊  
板而家藏之凡四千五百面可謂天下之善本也頃  
年士學陋藝苑蕪此板束之高閣者四十餘年又懼  
其爲勢家所奪也秘不示人一日節齋孫趙明安者  
過嘉禾謁學宮目擊余所爲若不懈者乃歎曰吾有  
所託矣始出所藏書版示余會御史宋公一齋僉憲  
鄧公善之按臨是邦乃出中統鈔七十五定償之趙



亦不計也。因書得版顛末于節齋敘次後之官于學者庶幾知所寶焉。云云。蓋是書刻于宋寶祐中。印于元延祐間。此本爲明嘉靖間印行者。中有補刊缺葉。原本缺筆避諱之處。悉仍其舊。未改宋刻面目。是可貴也。

宋史全文

此書三十六卷目錄題續資治通鑑長編前冠以乾道四年李燾進書表。每卷首則題宋史全文續資治通鑑三十卷後。每卷題增入名儒講義續資治通鑑

長編三十六卷末。又編度宗少帝事。稱宋季朝事實。不著撰人名氏。惟列豐城游明大昇校正一行。蓋薈萃諸家紀傳而成者。紙墨精好。每葉二十二行。行二十五字。前有長墨印云。宋史通鑑一書見刊行者。節略太甚。讀者不無遺恨焉。本堂今得善本。乃名公所編者。前宋已盛行於世。今再繡諸梓。與天下士大夫共之。誠爲有用之書。回視它本。大有徑庭。具眼者必蒙賞音。幸鑑觀此印。可見元時坊刻之精。審惜缺二  
十二十一兩卷

坨

居安二漢

宋中興通鑑

宋中興通鑑十五卷前有竹坨老人題云宋中興通鑑一十五卷通直郎國史院編修官劉時舉編史嵩之喪父以右相起復時舉為京學生與王元野黃道等九十四人鈔本重四字今校正太學生黃愷伯金九萬孫翼鳳等百四十四人武學生翁日善等六十七人宗學生趙子寰等三十四人上言爭之是亦慷慨之士也觀者嫌其太略然以視王宗沐薛應旂所撰斯條理過之矣小長蘆七十九老人朱彝尊題此跋見曝書

亭集

通志

通志二百卷元刻本每葉十八行行二十一字字大悅目前有吳繹序云是集繡梓於三山郡序亦既獻之天府藏之秘閣然北方學者猶未之見余叨守福唐洪惟文軌會同斯文豈宜專美一方迺募僚屬仍捐己俸稟之省府募禱五十部散之江北諸郡至治二禩壬戌夏五郡守可堂吳繹書於三山郡齋又有至治元年五月福州路總管吳繹題疏後刻至治二

序

漢序

募禱

年九月印造並列諸府路等銜名紙墨精好首葉有  
談氏延恩樓收藏印圖記

綱目贅言

鈔本綱目贅言十卷 國朝張如錦撰前有彭甯求  
序

十六國春秋

右十卷明屠喬孫項琳之重訂本 先君子條記云  
浦起龍注史通云十六國春秋賀燦然序有晉紀流  
行鴻書汨沒之語今此本無賀序又書養新錄一條

等 肱一字多一秋字

上云按喬孫十六國春秋秋序自謂輯錄陳編原未  
嘗作偽欺人如於陵子及天祿閣外史之比也又書  
云嘗見毛斧季賣書與潘稼堂目錄有十六國春秋  
云此是崔鴻真本然則鴻真本猶未作廣陵散邪

讀史記要

梅村先生手鈔本嘉慶乙丑 先君子以示吳門黃  
蕘圃主事云的係先生親筆因出所藏先生手寫綬  
寇紀略共觀與此的筆無異洵可寶也前有秀水朱  
氏潛采堂圖書記方印

多的字筆字下註迹字

遼史拾遺

鈔本遼史拾遺四冊吳江楊慧樓進士跋云樊榭先生著述等身而援引博博則推遼史拾遺為冠四十年前廣陵馬氏曾擬剞劂而未果海內鈔藏者寥寥數家而已客秋海甯吳丈槎客慨舉知不足齋贈本假鈔以數年願見不可得之書一旦得繕錄全帙登諸篋衍快何如之庚戌夏六月校畢因識數語於後以誌幸至董浦先生金史補闕卷帙更鉅身後散佚罕存欲謀璧合而竟無自矣惜夫松陵楊復吉識

精

張博

楊

漢傳

先君子跋云吳江陽慧樓進士既從予借鈔遼史拾遺又作遼史拾遺補凡數百條惜予卒未及傳錄又云鮑綠飲云此書向為樊榭姪繡洲所藏人有借鈔者繡洲撤出一卷以借之故外閒傳本多不全惟此為足本也

明史稿列傳

右六十一冊 先君子跋云萬季野先生所撰史稿方望溪侍郎以為四百六十卷諸志未成全謝山庶常以為五百卷今此僅列傳二百六十七卷雖似未

善備宋劉氏嘉業堂

所藏存錄副者即此

今罪狀錄已印行上

此絕不相侔 周松雲

所六即查東山罪狀錄  
又云未見不敢懸斷今多釋然  
書錄按朱美之名朝瑛  
字康流撰讀易略記張待  
軒名次仲字元古撰周  
易玩辭說  
二人萬季野明史稿列  
入儒林傳三而罪惟錄  
無之又如作凌通鑑  
陳柱寧序人史罪狀錄  
不傳而明史稿則附不  
錢宰傳不取查氏夢見  
宋太祖之說他可知也

全蓋華亭開雕時亦尚有刪併也周松靄大令云此  
書即查東山之罪惟錄故有朱康流張待軒傳及海  
甯俞子久事然予未見罪惟錄不敢懸斷識之以踈  
知者又云此書予藏之數十年姚江邵子桐編修見  
而極愛之以爲此舊唐書也在西湖書局中借閱累  
年後竟攜以入都屢索不還屬武林友人往取之酬  
以二十金始得昔人以借書還書等爲一癡殆是之  
謂歟然予實一片苦心終不以是爲悔後人能體此  
意亦可云文章紹編槩矣

### 季漢書

季漢書六十卷 先君子手錄周耕厓先生跋於末  
並先生手札云季漢書後明知僭妄陳君澆坳見之  
謂少連亦苦志之儒攻擊未免太甚後遂不敢以示  
人既思少連信苦志矣庶子苦心枉被後人醜詆獨  
可聽之亦恐失平久仰吾兄卓識高才特以就正意  
在奉求斧削乃即過蒙採錄又恐獎借太過矣 先  
君子跋云右亡友周勤補孝廉季漢書跋見於蓬廬  
文鈔勤補自少好學工文讀書具有卓識此跋灑灑

千餘言反覆辨論援據賅洽真能直揭作者之心事而息千載後聚訟之喙予故錄之於季漢書之後以告讀史之君子

江表志南唐拾遺記新舊唐書雜論

三種合爲一冊江表志三卷耕厓先生依閩汀文選校頗多補正並云按閩汀文選中所刻江表志及南唐近事每種作一卷不分三卷南唐拾遺記先師朱巢飲夫子暨先君子校耕厓慧樓二先生亦均借閱新舊唐書雜論慧樓先生校正並跋云李西涯新

舊唐書雜論懷麓堂集所不載客冬假海甯吳丈槎客藏本讀之樹義明快洵堪與范滄甫唐鑑並峙第其中訛脫孔多而侯君集許敬宗晉王治三則舛錯淆雜幾於不復可句讀因爲校正錄副用誌賞析辛亥寒食日覆校畢並記

南南唐書注

右南唐書注十八卷周在浚著後附戚光唐年世總釋馬令南唐書建國譜吳非唐傳傳國編年圖楊維禎正統辨李清南唐書年世總釋前論邱鍾仁南唐

序  
左浦在比士  
被上

辭  
字多

承唐統論前列趙世延南唐書沈士龍胡震亨題辭  
辭此書武原張文漁徵君得於易州山中先君子  
假得與先師朱巢飲夫子取家藏各書逐條校勘凡  
異同悉筆之簡端復經周耕厓先生校訂粘簽數百  
條後有二札一云雪客南唐書注大費苦心老年長  
兄政暇能即付之梨棗誠不朽盛事矣一云雪客南  
唐書注偶攜過竹西曹荔老轉託伊弟燕客郡丞勸  
其開雕弟念年世兄已刻馬陸二書今又復錄此注  
未免近復故不復辭已鈔副本寄之原本統俟錄成

彙繳可耳二札俱不書姓氏先君子謂是朱竹垞  
先生與蔣蘿村先生札陳無軒學博跋云乾隆戊  
戌十月十二日芑堂來保定遂訪友於易州山中得  
是書冒雨衝寒而至喜不自勝洵一段奇緣也芑堂  
急欲南行余未暇細讀惟屬即付開雕公諸同好云  
十七日置酒觀古堂畫畢日出記之先君子跋云  
大梁周雪客先生南唐書注當時最有名以未有刊  
本故流傳絕少昔襄平蔣蘿村梅中兄弟合刻馬陸  
二書時曾得此校閱既以示朱竹垞檢討竹垞極賞

標

缺木旁

之謂蘿村已刊馬陸二書是以不復從與攜過廣陵曹荔惟先生見之勸其弟燕客郡丞開雕卒亦未果迄今又七十餘載矣吾友張君文魚從易州山中得此書數千里懷之以歸喜不自勝亟謀付之梨棗予聞從借讀觀其徵引之富真竹垞所謂具費苦心者第其間亥豕脫謬尙所不免因與朱君允達據予家所有之書逐條校勘凡諸異同悉筆之簡端還以質於文魚至於注中有繁者宜芟復者宜去互異者應別其是非附傳者當票其出處若斯之類皆私心所

未安而深有望於二三同志之共訂者也文魚博雅嗜古汲汲以表章爲事試更以芻蕘之言斟酌盡當而刊焉非特爲山陰陸氏之功臣抑亦雪客先生之益友矣庚子端陽後二日跋 耕厓先生跋云歲壬寅從免牀借觀是書於王氏藜照書屋隨頁粘簽十年以來奔馳南北忽忽幾忘之矣壬子春因纂修廣德州志意其注中事有涉廣德者復借閱一過修簽舊簽竟無新得以益之二壬之間白髮頻添依然故我可歎也歲暮攜歸輒附數言於末十二月一日海

檢

誤答



昌周廣業識

南部新書

南部新書十卷舊鈔本 先君子從綠飲先生借手鈔本照錄諸家校勘於上並補錄首序並王聞遠叔子及貞復堂二跋又附錄厲本延祐丙辰子貞子洪武五年清隱老人正德十年約齋辛丑清常各校雍正庚戌蟬花居士乾隆乙酉貞復堂諸跋乙未歲先君子復從著書齋借稽古堂刊本重校識後云乾隆乙未閏十月又從周芑兮先生借得高寓公稽古

堂刊本重校凡鈔本中有原字與刻本同者不復注刻作某有不同字而刻本顯然紕繆者亦不復注甲辰歲簡莊徵君又以陳宋齋先生藏本互勘跋云此吳槎客先生手校本也乾隆四十九年三月海鹽館中有茗人持鈔本見示乃家宋齋先生書巢舊藏會予以寒食解館歸語槎客先生出此本屬爲覆勘因復攜至館中自三月二十五日至二十七日夜半勘畢凡紫筆者皆是合諸先生所校是書可稱善本矣新坡陳鱣記於六十四硯齋 嘉慶乙丑

疊  
律  
誤六

牽  
結小

先君子又補錄陳本逢年一跋其壬集內智永千文律召調陽一條先君子辨云按六朝人最精音韻之學周散騎千文妙處尤在雙聲疊韻一起一結四句中便有五雙聲中間更難悉舉此六呂與上句成歲並雙聲斷不容改呂爲召況律呂對閏餘彌覺工穩而律召殊屬牽強智永一人之書豈可遂據爲典要總由唐以後學者置此道於不講故希白亦有此論耳自時厥後凡書千文者率以召易呂使散騎抱怨於地下殆將千載余特爲辨之如此以俟知者正

之

錢塘遺事

右鈔本十卷吳門家枚菴先生手校先君子跋云錢塘遺事十卷昨歲從澱水吳子應和借得倩族姪禹敷傳錄今年春偶攜姑胥以示宗人伊仲伊仲適有藏本因爲余校正凡硃筆皆是也此書展轉不出吳氏亦奇伊仲名翌鳳博學彊記遇異書輒手自鈔校蓋今日之方山也乾隆丁未重陽後四日誌簡莊徵君又從文淵閣本校補數處跋云有宋遺民臨

安劉一清撰錢唐遺事十卷世無刻本陶南邨說郛載之僅得數條今夏寓吳門購得是書蓋從文淵閣鈔出猶是足本但書經三寫誤脫甚多既歸訪免牀明經於小桐溪明經出舊鈔本見示曾經吳中吳伊仲手校者頗爲精詳遂借至津逮舫中互相勘正并錄明經跋語時方秋半爽氣迎人適偕明經遊杭連舫共泊對酌論文連日登山臨水閱市訪舊殊多樂事一夕徐步玩月坐橫河橋共談錢唐遺事娓娓忘倦明經復誦岳倦翁玉楮集詩數首不禁感慨係之

歸途校畢備載於此嘉慶十年秋八月既望陳鱣記

### 高麗圖經

讀書敏求記高麗圖經四十卷宣和六年徐兢奉使高麗撰圖經四十卷凡三百條物圖其形事爲之說上文御府乾道三年徐葳鏤板澂江惜乎圖亡而經存兢字叔明張孝伯與作行狀附刊於卷末先君子書敏求記云今世所傳鈔本僅說數十番又不如此本矣觀震川先生集中跋此書之語則叔明之志亦可取也辛亥冬日有書賈持來舊鈔高麗圖經四

之  
版  
文

狀

十卷凡二百餘番前列競自序後有其兄子箴記得  
書顛末及刊梓歲月卷末有海鹽姚士舜及鄭宏跋  
又有乾道元年張孝伯作徐競行狀簡莊徵君跋  
云宣和奉使高麗圖經四十卷宋徐競撰靖康之變  
圖亡經存乾道三年從子箴刻於澂江郡齋明末海  
鹽鄭休仲重刊近吾友鮑君以文復以家藏善本刻  
入知不足齋叢書校補鄭本脫字凡數千又正二十  
七卷錯簡數條允推善本嘉慶九年冬十月同里吳  
槎客先生以所購鈔本見示蓋卽鄭刊本錄出者因

攜至吳門從黃君紹甫借得舊鈔本并取鮑刻本互  
爲校訂補其闕字惟錯簡尙須舊錄聞吾郡趙氏小  
山堂藏有高麗本不知刻於何時前在京師遇高麗  
使臣朴君修其詢及是書云彼國刻本尙多惜行笈  
中未曾攜帶耳嘉慶十年春二月望日書於江陰縣  
署地卽澂江也

又

知不足齋叢書中刻本緣飲先生從宋本校格式行  
款及字句同異俱親手塗改添補蠅頭細楷丹黃粲

然彌足見先生讀書之精審

武林舊事

武林舊事舊鈔本甚精絲飲先生題云癸卯十一月三十日得此於集英堂 前有鶴谿主人笠澤曹炎之印彬侯四圖記前六卷用朱絲細格中心有山暉艸堂字楷法端整似卽繕寫付梓者後有至元後戊寅忻厚德用和父跋明宏治乙卯從靖跋二跋之前有 國朝康熙丁巳陸貽典跋云遵王鈔本前六卷舊鈔缺後四卷命工寫足黻季假得既屬竇伯校此

祿

漢金

涇

漢金

又澆余校一過頗多是正處朱筆出竇伯手墨筆蓋余所校也此本係余姻友孫岷自舊藏岷自不錄屈指已十有三年矣撫此不禁人琴之痛康熙丁巳小春下浣觀菴陸貽典識於山徑老屋 己卯仲秋管君芷湘以是書見眎屬校因取家藏鈔本校勘一過頗見其善是本亦絲飲丈手校彌足寶貴且卷九祈請使行程記多十一十二十三日事余家本亦缺惜無題識未詳從何本校出耳余本係吳中家校菴丈校正又經陳簡莊徵君從閣本補校與此互有得

失茲得合勘庶益美備矣十月十八日壽陽記

金陀粹編

金陀粹編二十八卷舊刻本按辛楣宮詹潛研堂文集跋云初編刻於樵李續編刻於南徐端平甲午又合刻藏於庠塾皆有倦翁自序元季重刻於杭州西湖書院則有臨海陳基會稽戴洙二序明嘉靖壬寅晉江洪富刊於兩浙運司後十七年莆田黃日敬復修補其漫漶者然中多斷簡脫葉惜無善本正是也陳敬初序謂孝宗受禪珂始以籲天辨誣錄詣闕詆

是正  
三字例誤

上由是詔賜墳廟復爵位頒封諡錄遺孤今攷孝宗受禪在紹興三十二年壬午忠武得昭雪復官由於太學生程宏圖之上書而倦翁之進籲天辨誣乃在嘉泰四年丙寅相去四十五載又二十八年至端平甲午倦翁尙里居無恙然則孝宗受禪時倦翁恐猶未生安得有詣闕上疏之事本書所述年月前後分明易於尋檢陳何不攷至此此本有陳序當即宮詹所稱元季刻本前有虎林樵者清時埜史高孚玉居士諸圖記中多未筆點定序內飛父子沒餘二十

易

原奉作此是是日初字

年至以謝天下云云改作沒餘七十載尙書史浩首  
言岳飛久寃詔賜云云是也其孫珂實始以籲天辨  
誣錄詣闕訴上吾意宋君其北望舊京必恨不誅秦  
檜以謝天下並書其上云□□之辨於甯宗□□四  
年蓋與孝□□禪相距四十餘□□此云云豈非誤  
□撰文時失於檢點□□今改正之其說適與宮詹  
同

宦夢錄

鈔本宦夢錄四卷附紛紜行釋八首夜問九章屏居

此  
恍  
一字多一字

矣  
恍  
一字

十二課有高兆跋云湘隱先生著撰嘗從其長公元  
虛教授所借觀請鈔教授許刻成寄貽遂載之豫章  
越二載教授客死書散佚吾友郭君殿見於延平語  
余訪之僅得四卷命用溪衲環峯鈔歸爲之三歎已  
己巳六月七日高兆識又徐鉞跋云辛未夏余客三  
山曾從侯官高固齋所鈔得黃相國東崖國史唯疑  
□卷今又借鈔此本已三年時康熙甲戌六月再游  
閩中記菊莊徐鉞

國壽錄

國壽錄四卷後有便記十二篇前列編輯例言不著名氏先君子書云以上例言未審何人所作其二云扶風氏藏爲插花山舊本嘉慶壬戌予七十初度陳奉峩茂才手錄此本見貽其原本則又從周勤補孝廉借鈔也辛未七月記其攀髯疑案江陰疑案二篇原本亦列錄中標題曰襄城伯李國楨傳中書戚藩傳例言辨其非入之便記以爲此二事者當時要別有其人特湮沒不傳遂以訛傳誤耳今既知其非李與戚也雖其人不可攷而使人聞其事想見其爲

人而爲之低徊感歎亦足不朽矣且傳其事庶或終知其人乎謹標之爲疑案世有博識將質成焉先君書甲申傳信錄襄城伯一條於攀髯疑案後並識云此傳與綏寇紀略第十二卷下虞淵沈中所記李國楨殉節事並當是傳聞之訛又書傳信錄一篇後云右錢士馨甲申傳信錄跣舖遺鬻一條偶讀查傳例言及跋故鈔附於此愚按此編蓋伊璜先生當日隨其見聞劄記未經詮覈之書故如襄城傳旣書其節槩如此之烈而逆闖始末則又云賊奸細滿都



城閣臣魏藻德勳臣李國楨俱願爲內應豈不自相  
矛盾乎由是以觀蓋不獨戚藩戚勳之訛矣 書江  
陰疑案後云按晞明江上孤忠錄作中書舍人戚勳  
以紅筆大書於壁闔門焚死而無戚藩其人蓋藩乃  
勳之訛也手又書逆闖始末中副將周遇吉獨閉關  
相距大摧李兵百姓縛遇吉出李磔之數語上云綏  
寇紀略遇吉運矛策馬入賊中堅手刃巨賊百餘人  
矢攢甲如蝟毛身被數十創而死豈有百姓縛出之  
事乎 陽按甲申傳信錄謂國楨旣不能死欲求苟

五  
溪四

活而卒被刑戮好事者妄飾美談被之忠節以快聽  
聞何其誣也並舉陳濟生再生記無名氏燕都日記  
所云以爲夢中語而謂余四月入都亦聞此言逮四  
月遷城都民去襄城第近者言之最詳與前所聞大  
異而襄城誤國之論盈於人口駙馬都尉冉興讓子  
五君者國楨之中戚也予詢之亦云是當時傳聞異  
詞諸家傳記類多失實非訪諸其鄉人至戚無從定  
其真僞宜東山先生此錄亦未覈實耳

詔

漢紹

刻本向闕卷十中二子卷乾隆癸丑 先君子借盧抱經學士本補鈔並校又卷八永康八年紹徵刺史廠為大長秋一篇下補永甯元年春正月廠遣萬餘人斷北道次綿竹以下四葉其餘字句脫誤同異補正處甚多按程大昌演繁露云後漢傳贊注梁州北距華山之陽南距黑水故常璩敘蜀事謂之華陽國志也

五國故事

五國故事二卷宋無名氏撰前有余寅序此本經絲

飲先生校定余序云吾鄞少司馬范公建天一閣多藏書此蓋瑣品之一又云范司馬喜刻古書此編已入丹格未及梓而沒蓋此從范氏鈔出今已刻入知不足齋叢書中

南燼紀聞竊憤正續錄

二種並鈔本合為一冊不著撰人名氏 先君子云

南燼紀聞淮海周輝著竊憤錄辛棄疾著皆相傳如

此然晁陳諸家均未著於錄

陽按家藏又一鈔本亦二種前多南渡錄大畧

一篇並題

辛去疾著

棄

陽

去字

錦里耆舊傳

錦里耆舊傳四卷卷一起中和五年正月至蜀武成元年卷二起武成三年盡同光四年春卷三起天成二年春二月訖僞蜀廣政二十五年卷四起廣政二十八年冬訖乾德四年春陳振孫書錄解題云八卷續傳十卷前靈應縣令平陽句延慶昌裔撰開寶三年秘書丞劉蔚知榮州得此傳其詞蕪穢請延慶修之改曰成都理亂記天成之後別加編次起咸通九載迄乾德四年百餘年蜀事大略具矣續傳蜀人張

應靈

二字倒誤

德

緒所撰起乾德乙丑迄祥符己酉自平蜀之後朝廷命令官僚姓名及政事因革以至李順王均劉旻作亂之迹皆略載之知新繁縣太常博士張約爲之序四庫目錄云四卷宋句延慶著一名成都理亂志志王氏孟氏據蜀時事陳振孫書錄解題作八卷述成書始末甚詳然謂此書起唐懿宗咸通九年此書實起僖宗中和五年又謂所記下迄祥符己酉此書實開寶中作不應預見祥符或所見別一續補之本歟先君子記書錄解題上云按文獻通考經籍類

引陳氏曰誤脫去自乾德至撰起凡二十二字張緒續記通志作張彰見崇文總目

宋紀受終考

右三卷程敏政著有成化十三年自序後有宏治四年婺源戴銑跋其辨太祖太宗傳禪之誤以歐陽諸公正史爲據而疑湘山野錄之未實讀書敏求記野錄條下謂成化閒尹直等奉敕編纂宋元通鑑辨宋太祖太宗傳禪之誤蓋自李燾刪潤湘山野錄啟之并載野錄謂太祖太宗對飲燭影下時見太宗有不

戮

可勝之狀而燾改不可勝爲遜避太祖戮雪顧太宗曰好做好做而燾改戮雪爲戮地好做爲好爲之又加大聲二字遂不免有畫蛇添足之病此書辨之曰太宗留宿禁內此亦繆誤太祖既不豫甯復自登閣且至殿廷戮雪乎其說更爲明快

六陵遺事

六陵遺事一卷後附庚申君遺事一卷並萬季埜先生所輯先君子手鈔校正並有按語

奉使西域行程記

右三卷題行在吏部驗封清吏司員外郎臣陳誠北  
京苑馬寺清河監副臣李選謹進前有正統十二年  
國史總裁尹直序後附胡廣周孟簡鄒緝送行詩序  
李侍郎北使錄

鈔本北使錄一冊不著撰人名氏首行題李侍郎北  
使錄 先君子記云此錢遵王藏書

名相贊

名相贊五卷明尹直著起漢蕭相國迄宋文丞相前  
有宏治甲子直自序後有宏治十八年歐陽雲序首

葉

頁有曹溶潔躬二圖記蓋秋岳先生舊藏也

備遺錄

備遺錄一冊不分卷題後學新淦張芹編輯後學清  
江敖英校正張序云錄中四十六人其爵里名氏皆  
閩中宋君端儀嘗采輯爲錄而未成者予因旁加考  
摭得其間二十餘人事略類而萃之以爲斯錄所載  
記皆靖難死節諸臣事蹟無考者二十六人第書爵  
里於後卷末敖英跋此冊亦倦圃藏書圖記與面頁  
題字並與名相贊同

葉

泰昌朝記事

舊鈔本一冊前署江上遺民李遜之輯有吳翼鳳家藏文苑圖記益家枚菴先生藏本先君子書後云嘉慶甲子收得友人枚菴藏書益自君之別已三十餘載矣不禁撫卷黯然

蜀難紀略

蜀難敘略婁東沈荀蔚著前列范文光沈華陽傳後附李明睿金之俊吳偉業王時敏王發祥張玉治吳國杰孫以敬吳克孝毛天麒吳廣居郭奎先周亮工

錢

漢吳

朝

漢字

擊

漢字

將

漢字

諸先生跋所記為獻逆破蜀荀蔚父雲祚死節事起崇禎十五年至國康熙三年與難始末凡二十餘載其記雲祚之遇害也曰被幽於大慈寺逆遣其黨饋食以厚祿相誘更以天命為詞先君子繫案罵曰吾豈食賊粟哉自兵敗時已不食求死不死何不速殺吾將助國滅汝等也賊黨知不可屈往報逆逆大怒遂與御史理刑兩劉公同遇害初御史及崇慶州知州王勵精皆與逆同里人初疑之至是勵精聞省城陷即朝服望北闕拜坐樓上舉火自焚勵精嘗於

仁  
漢人

曰  
漢日

黑  
虎  
漢處

壁上書文文山孔曰成人等語後二十餘年壁字猶如故及州民建祠奉公像祭甫畢而壁適積其精誠所積如此而記獻逆之死也曰及昇賊至猶張目瞪視於是斬首剖心心色純黑時十二月十一日也獻逆稔惡滔天古今寡儔大兵誕將天威為天下復讐神人共快及傳首成都遺民競取其首提擲刺割踐踏污穢無所不至雖大快心實恨其死之太易聞埋尸處叢艸如棘觸之者皮肉糜爛又時有黑處噬人

人皆遠之戾氣所鍾死而不磨如此

保越錄

保越錄一冊不著撰人名氏 四庫目錄云記元順帝至正十九年明胡大海攻紹興張士誠將呂珍守據事所記胡大海縱兵淫掠及發宋陵墓諸惡迹明史皆未書張正蒙妻韓氏女池奴及馮道二妻抗節事明史列女傳亦未載存之可補史闕也

歷代山陵攷

右二卷明王在晉奉敕纂

國朝山陵攷

此行胡大海原奉胡作故今奉作胡寫者亦嘉

明山陵攷二卷亦王在晉纂

諡法攷

右鈔本不分卷無纂述名氏其載明臣諡法至宏治十二年王越止

海甯倭寇始末

右一冊不著作者名氏 先君子校並有按語

柳邊紀略

柳邊紀略五卷楊賓著後一卷爲詩鈔本尙有缺字前有賓自序及費密潘耒林侗黃中堅王源諸公跋

自序比於松漠紀聞南燼紀聞北狩革書之類

綏寇紀略

綏寇紀略三卷係未經刊刻者 先君子云以上三卷俱未有刊本綏寇紀略原十五卷又名鹿樵紀聞予有舊鈔本十五卷俱全太倉唐孫華有讀梅邨先生鹿樵紀聞七律六首見東江集乙丑六月志

鹿樵紀聞

右十五卷舊鈔本始鶉首火迄虞淵沈下末一卷爲附起紀漳泉海寇訖湖南各賊

紀起

三子例誤



化

漢北

明季甲乙兩年事蹟彙略

右三卷不著撰人名氏惟題東邨八十一老農隨筆  
前有順治改元沛澤老農自序其記李國楨事云朝  
廷發三大營營齊北門外李國楨坐城樓無所主張  
唯以大監王相堯統領又有賊執襄城伯李國楨至  
初時悍然不跪賊再以危言恐之曰當屠一城人李  
乃跪曰吾爲闔城求全也未數日發同諸人追銀夾  
二次已聞成國公誅死卽自縊賊執其夫人云云與  
甲申傳信錄同

卷一起甲申正月初一至五月三十  
日卷二起六月初一至十二月三十

日卷三起乙酉正月  
初一至五月三十日

紀事本末備遺

舊鈔本紀事本末備遺二冊不分卷亦無序目撰人  
名氏截去首冊爲遼左兵端熊王功罪插漢寇邊二  
冊爲毛帥東江錦甯戰守東兵入口凡六篇

列女傳

吳中顧氏仿宋刻本 先君子以明黃刻本校朱巢  
飲先生亦曾勘閱夾簽數十條

列仙傳

右二卷汲古閣刊本枚菴先生所藏有枚菴藏本枚  
菴流覽所及二印記首沈汾序枚菴書云此首乃續  
仙傳敘誤冠於此翌鳳記時丙申九月

拜經樓藏書題跋記卷二終

辛巳四月初五日凌初平玉校

